



# Апокалипсис

## Нүр үг

Эн дегтр Иисус Христос Деед Ээн гиһэд иткжэсн христианмудыг көөжэсн цагт бичгдсмн. Автор умшачиртан ишл, урмд өгэд, көөв чигн, зовлыгта болов чигн итклэн бичэ геетхэ гиж бичжэнэ. Олмха келэр бичгдсн дегтрин ик зууднь илэр келлнен, үзгдлийн энгс барлгдж. Энны талдан улст нуувч болжахла, зуг тер цага христианмуд умшад медж чадв. Тегэд дегтрин гол төрнь олон зүсн хэлэцсин энгсэр дэкн дэкн давтгдна. Илэр келлниг күн болиин эврэхэрн тээлв чигн, болов нег төр ахлна: Деед Ээн Христосар дамжад Бурхн Эврэннү цуг дээсиг кевтн диилх, эрлгиг бас диилх. Диилхлэрн Бурхн Эврэннү итклтэ улсиг шин тэнгрин болн шин назрин эдсэр өдслх.

### Учр-утхин зура

Нүр үг 1.1–8

Түрүн үзгдл болн долан чонжд илгэсн бичг 1.9 – 3.22

Долан тамхта орачксн цаасн 4.1 – 8.1

Долан бүшкүр 8.2 – 11.19

Лу болиин хойр анг 12.1 – 13.18

Олон зүсн үзгдл 14.1 – 15.8

Бурхна уурллна долан аах 16.1–21

Вавилона хольврлн, ангин, худл

ээлдэчин болн эрлгин диилгдлн 17.1 – 20.10

Сүүлнк зарх 20.11–15

Шин тэнгр, шин назр, шин Ерусалим 21.1–25

Товчлгч үг 22.6–21

### Орил

**1** Эн дегтрт Иисус Христосин илэр үзүлсн йовдлмуд бичэтэ. Удл уга юн учрхиг Эврэннү зарцнртан үзүлхэр Бурхн эн ил үзүлн Иуст өгсмн. Иисус болхла Эврэннү Йохан гидг зарц тал

Бурхна элч илгэхэд энүг медүлж. <sup>2</sup>Йохан үзсэн келж, Бурхна үгмүд болن Иисус Христосин медүлсн йовдлмуудыг бичж авч. <sup>3</sup>Эн дегтриг умшдг күн буйн-кишгтэ! Соңсдг болн умшсан күцэдг күн бас буйн-кишгтэ! Янад гихлэ, энүнд бичгдсн йовдлмууд удл уга күцх.

### *Мендллин*

<sup>4</sup>Би, Йохан, Азийин назрт бээсн долан сүзгти хургудт нерэдж энүг бичжэнэв. Ода бээдг, урднь чигн бээсн, иргчдэн ирх Бурхн, Терүнэ ширэн өмн бээсн долан сэкүсн болн Иисус Христос цаанан сана, амулн төвкнүн бээдл таднд өгтхэ! <sup>5</sup>Хамгин түрүн өмдрсн итклтэ герч, назр болиная хаадудын Залач Иисус Христос маднд ик хээртэ болад, цусан асхрулж мадниг килнцэс сулдхсмн. <sup>6</sup>Эврэннъ Бурхндан болн Эцкдэн церглүлхин төлэ Иисус мадниг гелнгүд болсн улс кеж ниилүль. Иисус Христос тууртха! Мөнкиндэн залтха! Тиигтхэ! <sup>7</sup>Хэлэтн: Иисус үүлн deer бууж йовна. Күн болиных болн Иисусиг үлдэр шаасн улс Терүг үзх. Цуг үүмн өмтн Иисусин тускар оркх. Тийм. Тиигтхэ! <sup>8</sup>Би «Альфа» болн «Омега»\*, Түрүнкв болн Сүүлнкв, — гиж ода бээдг, урднь чигн бээсн, иргчдэн ирх сүркэ күчтэ Деед Эзн Бурхн келжэнэ.

### *Йохан өмдрсн Иисусиг үзснэ тускар*

<sup>9</sup>Би, Йохан, тана ахв, таднла өдл Бурхна йосиг күлэхэд тесвртэхээр зовлнта йовнав. Эн зовлнгиг бидн, Иисусин сурхульчир болад даажанавидн. Бурхна үг болн Иисусин медүлсн үнниг тархаснаас көлтэ намаг Патмос арлд туусмн. <sup>10</sup>Деед Эзн өдрлэ би Эрүн Сэкүсэр дүүрэд, ардан бүрэни өдл чаңх ду соңсв. <sup>11</sup>Тер иигж кельв:

— Үзсэн дегтрт цугинь бичж авад, Епес, Смирна, Пергэм, Тутыр, Сардис, Пиладельпья, Лээдикъя гидг долан балхснд бээсн сүзгти хургудт илгэ.

<sup>12</sup>Тиигж келжэх күүг үзхэр эргж хэлэхлэрн, би оln зул өргсн долан алтн тэвц үзв. <sup>13</sup>Тер зулта долан алтн тэвц хоорнд үүмни көвүнэ дүрстэ күн зогссинь би үзв. Тер өрчэн алтн бүсэр бүслсн, ут хувцта бээж. <sup>14</sup>Толханн үснэ цаанан ноосн мет, цасн мет цаанан мэр, нүднь нал мет шаачж. <sup>15</sup>Көлнь һалд цутхад өнглсн

\* Грекин цаанан толхан түрүнк болн сүүлнк үзгүд.

курл мет гильксн, дунь усна күркрэнэ шууган мет чанх.<sup>16</sup> Барун хартан долан од бэрэд зогсж. Амнасын хойр талан иртэ хурц үлд үзгднэ. Нүүрнь наал үдин нарн кевтэхээр герлтж бээнэ. <sup>17</sup> Терүг үзн, би үкссн күн мет көлднүү кийсв. Тиигхлэ Тер барун наран нан деер тэвэд иигж кель:

— Бичээ. Би Түрүнкв болн Сүүлнкв.

<sup>18</sup> Би өмдэв. Би үкч одлав, зуг ода мөнкиндэн өмд бээхв. Үклиг залдг, үклин назриг залдг юосн Нанд бээнэ. <sup>19</sup> Үзжэсэн ода болжахиг болн бас хөөннү чигн учрхиг бичж ав. <sup>20</sup> Барун хартм бээсн чини үзжэсн долан одна болн зул өргсн долан алтн тэвцин нууцин тээлврн эн: долан одн гиснь — долан балхснд бээсн сүзгти хургудын Бурхна долан элчир. Зул өргсн долан алтн тэвц гиснь — долан сүзгти хургуд.

#### *Епес балхснд илгэсн бичг*

**2** Епес балхсна сүзгти хургин Бурхна элчд иигж бич: Барун хартан долан од бэрдг зул өргсн долан алтн тэвц заагт ювх Иисус Христосин келсн үг эн: <sup>2</sup> Чини бээдл жирхлиг, күнд көдлмшиг, ик тесвртэ бээдлиг Би меднэв. Чи хар саната улсиг тесж чадхшич. Бийэн апостолмуд гиж нерэддг, зуг апостолмуд биш улсиг шалхж, тедниг худлч болсиг илдкж гархсичнүү бас меднэв. <sup>3</sup> Чамаг ик тесвртэхинч, Мини төлэ зовлнгтан эдлсичинч, цуцрлго Намаг дахсичнон Би меднэв. <sup>4</sup> Зуг чи урдк кевэрн Нанд дурн-седклэн тэвдгэн уурвч. Энчин буру. <sup>5</sup> Урднъ яхж бээсэн тодл. Килнцтэ жирхлэн үлдэж урдк кевэрн бэ. Килнцтэ жирхлэн эс үлдэхлэчин Би ирэд чини зулыг ормаснь көндэхв. <sup>6</sup> Хэрнъ нег сэн юмн бээнэ. Николайин сурхульчир кесн юмнд чи дургоч. Би теднэ кеснд бас дургов. <sup>7</sup> Сүзгти хургудт Эрүн Сэкүснэ келсиг соңсхар седснь соңстха! Диилвр бэрсн күүнд Би Бурхна садт бээсн өм өгдг модна темснэс амсх зөв өгхв.

#### *Смирна балхснд илгэсн бичг*

<sup>8</sup> Смирна балхсна сүзгти хургин Бурхна элчд иигж бич: Түрүнкн болн Сүүлнкн, үкэд Өмдрсн чамд иигж келжэнэ:

<sup>9</sup> — Би чини зовлнгиг, чини угатя-яду бээдлиг (юсндан болхла, чи байнч) меднэв. Бийэн евреймүдт тоолдг улсиг чамаг му келдгинь бас меднэв (зуг тедн еврей биш). Йосндан болхла, теднэ хург эрлгин хург. <sup>10</sup> Бийлэхэн учрх зовлнгас бичээ. Соңс!

Тадн дундас зэрмнь сөрхэр түүрмд эрлг суулх. Тадн арвн өдр зовлнган эдлхит. Үкв чигн итклтэ бол, тиигхлэчн Би чамд мөнк жирхлийн титм зүүлхв.<sup>11</sup> Сүзгти хургудт Эрүн Сэкүснэ келсиг соңхар седснь соңстха! Диилвр бэрсн күүнд хойрдгч үкл хорлтан күргэшго.

*Пергэм балысндо илгэсн бичг*

<sup>12</sup> Пергэм балысна сүзгти хургин Бурхна элчд чи иигж бич: Хойр талан иртэ хурц үлд Бэrsинь иигж келжэнэ: — <sup>13</sup> Чамаг эрлгин ширэ бээсн назрт бээдгинь Би меднэв. Эрлг бээсн назрт Мини итклтэ герчиг Антилаг алсн цагт, чи Нанд иткдгэн уурлго Нанла итклтэхэр бээлэч. <sup>14</sup> Тиигвчин чамд бас невчкн буру юмн бээнэ. Тадн дунд зэрм улс Баламин ном дахж бээнэ. Израилин улсиг килнцд яхж орулхиг Балам Балак хаанд зааж өгв. Тедн шүтэнэ өмн өргсн хотыг идэд, аля йовдл гархсмн. <sup>15</sup> Тийм кевэр тадн дунд Николайин дахгчнрин номд орсн улс бээнэ. <sup>16</sup> Килнцтэ жирхлэн хай! Эс тиигхлэчн, Би ирэд амнаасм гарч йовх хойр талан иртэ хурц үлдэр теднлэ дээлдхв. <sup>17</sup> Сүзгти хургудт Эрүн Сэкүснэ келсиг соңхар седснь соңстха! Диилвр бэрсн күүнд бултулсан манна гидг хотас амсулнав, цаahan чолу өгнэв. Тер чолун deer шин нерн бичэтэ бээх. Тер нериг чолу авсн күүнэс нань күн медшго.

*Тутыр балысндо илгэсн бичг*

<sup>18</sup> Тутыр балысна сүзгти хургин Бурхна элчд иигж бич: шаасн һал мет нүдтэ, өнглсн курл мет гильксн көлгэ Бурхна Көвүн иигж келжэнэ: — <sup>19</sup> Чамаг яхж бээдгинь, Нанд дурта болад иткдгичн Би меднэв. Чи Нанд церглэд, зовлнгиг тесвртэ кевэрн даалаач. Энүг Би бас меднэв. Ода чамаг урдкаас үлү икэр үүлэн күцэжэхиг бас меднэв. <sup>20</sup> Зуг невчкн буру юмн бээнэ. Танад Эзабел күүкд күн бийэн өэлдэчд тоолад, Нанд иткдг улсиг сурхж, буру юм зааһад, аля йовдл гархад, шүтэдт өргсн хот идэд, бузр юм кеҗэнэ. Чи болхла терүг хөрхшич. <sup>21</sup> Би терүнд килнцтэ жирхлэн хайх цаг өглэв. Зуг тер аля бээдл-жирхлэн хайхар седсн уга. <sup>22</sup> Хэлэтн! Би терүг му гемэр цаажлхв. Терүнлэ хамдан аля кедг улсиг килнцэсн эс гарххла, би тедниг ик зовлна хархулхв. <sup>23</sup> Би терүнэ дахгчнриг алад уга кехв. Болв Намаг өмтнэ уха-сана медж чаддгиг цуг сүзгти хургуд медж авх. Би

таднас күн болһниг кесн үүләрny цаажлхв.<sup>24-25</sup> Зуг тадн болн наң чигн улс тер күүкд күүнә заасар болсн угат. Эрлгин гүн нууц гијә зәрм улс нерәддг номиг тедн дассн уга. Намаг иртл Нанд батар иткти гисн зааврас талдан заавр Би танд өгчәхшв.<sup>26-27</sup> Ди-илвр бәрсн күүнд, цагин чилгч күртл Мини заасиг күцәсн күүнд буру номта улсиг залх йос Би өгхв. Тер йосиг Нанд Эцк өгв. Төмр тайгар тедниг Тер хәрүлх, буһш кевтәһәр цокж хамхлх.<sup>28</sup> Би терүнд диилврин темдг болгч өрүни од өгхв.<sup>29</sup> Сүзгти хургудт Әрүн Сәкүс келсиг соңхар седснь соңстха!

### *Сардис хотнд илгәсн бичг*

**3** Сардис гидг хотна сүзгти хургин Бурхна элчд иигж бич: Бурхна долан Сәкүс залдг болн долан од Бәржәхинь иигж келжәнә:

— Чини бәәдл жирһлиг Би меднәв. Чамаг әмтн әмд гијә тоолна, зуг чи әмн уга.<sup>2</sup> Эн бәәдләсн серхнчин! Үлдсн юман геешгон төлә батл. Янад гихлә, Бурхна хәләцәр эклсн юм күцәһәд уганичны Би үзләв.<sup>3</sup> Христосин номиг урднъ яһж авсан, яһж соңсан тодл. Терүг зөвтнъ күцәж килнцтә жирһлән хай! Эн бәәдләсн эс серхләчин, Би хулхач метәр генткн ирж чамаг цаажхв. Чи мини ирх цагиг медж чадшгоч.<sup>4</sup> Зуг тана Сардис хотнд хувцан цеврәр бәрдг зәрм улс бәәнә. Тедн цаһан хувцтаһан Нанла хамдан йовх, янад гихлә, тедн энүнлә ирләтә болх.<sup>5</sup> Диилвр бәрсн күн теднлә әдл цаһан хувц өмсх. Би терүнә неринь әмн-жирһлин дегтрәс һарһлго эврәннъ Эцкин өмн, Бурхна элчирин өмн «Эн күн Мини», гијә келхв.<sup>6</sup> Сүзгти хургудт Әрүн Сәкүснә келсиг соңхар седснь соңстха!

### *Пиладельпия хотнд илгәсн бичг*

<sup>7</sup> Пиладельпия хотна сүзгти хургин Бурхна элчд иигж бич. Эн Давид хаана түлкүртә Әрүн Үннчин келсн үтмүд. Кемр Тер үүдиг секхлә, күн хааж чадшго, кемр тер үүдиг хаахла күн секж чадшго.<sup>8</sup> Би чини бәәдл-жирһлиг меднәв. Чамаг олнд деерк орм эс эзлдгичнъ меднәв. Тер бийнъ Чи мини ном дахлач, Исусиг медхшв гијә төрүц келсн угач. Би чини өмнк үүдиг секүв, күн терүг хааж чадшго.<sup>9</sup> Хәлә! Бийән евреймүдт тоолдг эрлгин хургин гешүдиг авч ирәд, чини көлд сөгдүлнәв. (Йосндан тедн евреймүд биш.) Тиигәд тедн Намаг чамд дуртаг лавта медх.<sup>10</sup> Чи Мини заасар

тесж бээввч. Тер учар Би чамаг һазр deer улсиг сөрсн цагт харсж авхв. Тедниг ик зовлна хархулж Би сөрхв.<sup>11</sup> Удл уга ирхв. Диилэчин титмig чамас күн булаj авшгон төлэ Нанд батар иткж бэ.<sup>12</sup> Диилвр бэрсн күн Мини Бурхна сүмд түшг болж зогсад, төрүц тендэс гаршго. Би тер күнэ deer Мини Бурхна нериг болн Мини Бурхна балысна нериг бичхв. Тер Шин Еру-салим балысн тенгрэс Мини Бурхнаас бууж ирх. Шин нерэн тер күн deer бас бичхв.<sup>13</sup> Сүзгти хургудт Эрүн Сэкүснэ келсиг соңхар седснь соңстха!

### *Лээдикъя балыснд илгэсн бич*

<sup>14</sup> Лээдикъя балысна сүзгти хургин Бурхна элчд иижж бич: Эн Тийгтхэ гисн үннч итклтэ герчин үг. Бурхн Терүгэр дамжж цугинь үүдэж.<sup>15</sup> Би чини бээдл-жирлиг сээнэр меднэв. Чамаг халун чигн бишинь, кийтн чигн бишинь Би меднэв. Халун эс гиж кийтн болсн болхла, deer болх билэ.<sup>16</sup> Зуг чи халун чигн, кийтн чигн биш – бүлэнч. Тер учар Би чамаг амнаас нульмад хайснла өдлэр көөж гарнав.<sup>17</sup> Чи бийэн муульта, сана зовадган, угатя, сохр, нүцкн бээдгэн медлго: «Би байнв, элвг-дельвг бээнэв, нанд юмн керго», – гиж келнэч.<sup>18</sup> Мини сельг эн: байн болхин төлэ һалд әруслсн алт Нанас хулдж ав, бийэн хувцлхар нүцкн ичртэ цогцан хаахар Нанас цаанан хувц хулдж ав. Юм үзхин төлэ нүдндэн түркдэг эм Нанас хулдж ав.<sup>19</sup> Дурлсн улсан Би керлдэд заснав. Килнцтэ йовдлан хайж, Нанд халун зүркэрн итк!<sup>20</sup> Соңс! Би чини үүднэ ца зогсад, үүд цокжанав. Күн Мини ду соңсад, үүдэн секхлэ, Би гертнь орад, терүнлэ хамдан хотынь өдлхв.<sup>21</sup> Би диилвр бэрэд Эцктэхэн хамдан Терүнэ ширэд суулав. Тийгж Би диилвр бэрсн күннд Нанла хамдан ширэдм суух зөв өгхв.<sup>22</sup> Сүзгти хургудт Эрүн Сэкүснэ келсиг соңхар седснь соңстха!

### *Тенгрт бээсн сөгдлийн*

**4** Энүнэ хөөн би тенгр deer секэтэ үүд үзв. Үрднь нанд келсн бүрэни ө мет дун иижж келв:

– Наар, хөөннүн юн учрхиг би чамд үзүлхв.

<sup>2</sup> Тер дарунь Эрүн Сэкүсэр би дүүрв. Тенгр deer ширэд бээж. Тер ширэд Бурхн сууж.<sup>3</sup> Сууснь яаспд болн сардс гидг эрднь чолун мет нохан, улан өнгэр герлтж бээнэ. Ширэн эргнд смарагд

гидг эрднь чолун мет ноһан өнгөр гилвксн солнή бээж.<sup>4</sup> Эн ширэн эргнд талдан хөрн дөрвн ширэ бээж. Тер ширэст хөрн дөрвн көгшэ суула. Тедн алтн титмтэ, цаһан хувцта билэ.<sup>5</sup> Ширэ талас цэклүн цэклэд, шууган, охтрүн дун һарад бээв. Ширэн өмн долан һал – Бурхна долан Сэкүсн асж бээнэ.<sup>6</sup> Нимгн мөснлэ өдл цегэн шил тенгс мет нег юмн ширэн өмн бээж. Ширэн эргнд дөрвн үзг болһинднь тал талдан өмтэ дөрвн юмн зогсж. Тедн өмнэн, ардан кесг нүдтэ бээж.<sup>7</sup> Түрүнкн арслнгин бээдлтэ, хойрдгчны туһлын бээдлтэ, нурвдгчинн чирэнь күүнэ чирэтэ өдл бээж. Дөрвдгчны нисж ювх һэрд шовуна дүрстэ билэ.<sup>8</sup> Тедн дөрвүлн тус-тустан зурһан живртэ, живрнь һаза дота уга кесг нүдтэ. Өдр сө уга тедн онъдиндэн:

«Эрүн, Эрүн, Эрүн Деед Эзн!  
Хамгин сүркэ күчтэ  
Урднь бээсн,  
Ода бээдг  
Иргчдэн ирх Бурхн!» – гиһэд келэд бээнэ.

<sup>9-11</sup> Эн дөрвн өмтэ юмс ширэд суусн мөнкиндэн бээдг Бурхнд магтал, ханлт өргэд күнджлж бээхлэ, хөрн дөрвн көгшэхэс ширэд Суудгин өмнинь унад, мөнкиндэн Бээдгт сөгднэ. Тедн эврэнн титмэн ширэн өмн тэвэд иижж келнэ:

«Мана Деед Эзн Бурхн!  
Та цугинь үүдэлэт!  
Тана таалар цугнь үүдж бээнэ!  
Тер учрар  
Тана алдр бээдлийн тускар өмтн келнэ,  
Таниг күнджнэ,  
Йоситн туурулна!  
Тиим зөв Танд бээнэ!»

### *Орачксн цаасн болн Хурһн*

**5** Тийгхлэ би Суусна барун һартнь хойр таласнь бичэтэ, долан тииизтэ цаас үзв.<sup>2</sup> Йос бэрсн Бурхна элчиг:

– Тийзиг эвдж задлх, цаасиг секх зөвтэ күн бээнү? – гиһэд чаңх дууһарн келжэсинь би үзв.

<sup>3</sup> Зуг тенгр, һазр deer, һазр дор чигн тер цаасиг күн секж чадсан уга.<sup>4</sup> Тер цаасиг секөд умшх күн уга болсн учрас би һашудж оркрж бээлөв.<sup>5</sup> Тийгхлэ көгшэсин дундас негнь:

— Бичэ ууль, хэлэ! Йудан тохмас гарсан арслн, Давидин үлдл тохм диилвр бэрж. Тер долан тииз эвдж задлх, цаасиг секж чадх, — гиж нанд кель.

<sup>6</sup>Ширэн өөр зогжасн Хурниг би үзв. Терүг өмтэ дөрвн юмн болн көгшэс эргж зогсж. Тер тэклд тэкгдсн хурни бээдлтэ бээж, долан өвртэ, долан нүдтэ бээж. Долан өвр болн долан нүдн гиснь: назр болһнд илтэгдсн Бурхна долан Сэкусн. <sup>7</sup>Хурни өөрдэд, ширэ deer Суусна барун гарас цаас авв. <sup>8</sup>Терүг цаас авсна хөөн дөрвн өмтэ юмн болн хөрн дөрвн көвшэс Хурнид сөгдцхэв. Көгшэс тус-тустан гартан ятх, сангин идэхэр дүүрн аах бэрсн бээлэ. Сангин идэхэр дүүрн ах гиснь: Бурхна улсин мөргүл. <sup>9</sup>Тедн шин дууһан дуулцхав:

— Цаас авад тиизинь задлх зөв Танд бээнэ. Яһад гихлэ, Та тэкл болад Эврэннү цусарн Бурхнд <sup>10</sup>тохм болһнаас, келн болһнаас, келн-эмтн болһнаас өмтиг хулдж авлат. Та теднэр Бурхна гелнгүд болсн улс тедн һазриг залх.

<sup>11</sup>Тийгхлэ би хэлэхэд ширэн эргнд тоолж болшго Бурхна элчинрин, өмтэ дөрвн юмсын болн көгшэсин ду соңсв: <sup>12</sup>Тэклин алгдсн Хурни цецн уха, байн зөөр, күч, ѹос бэрх ачта! Терүг улс туурулх, күндрх йоста! <sup>13</sup>Тенгр, назр deer, назр дор, тенгст бээсн өмтэ киитэ тоотнь, цуг орчлнд бээсн тоотнь иигж келсийн би соңсв: Ширэд Сууснь болн Хурни күч-юс Бэрснь тууртха! Мөнкиндэн Тедниг күндрлхэ! <sup>14</sup>Эмтэ дөрвн юмс: Тийгхлэ, — гиж кель. Тийгхлэ көгшэс сөгдж мөргцхэв.

### *Түрүүк зурхан тииз*

**6** <sup>1-2</sup>Хурни ном бичэтэ цаасна долан тиизин негинь задлхла, дөрвн өмтэ юмна негнь оһтрхун дууһар:

— Нааран ир, — гиһэд дуудна.

Би цаан мөр үзв. Тер мөрн deer гартан нум бэрсн күн сууж. Терүнд титм зүүлһв. Тер диилвр бэрсн мөртэ күн бээж, цааранднь диилвр бэрхэр гарч ирж. <sup>3</sup>Цаасна хойрдгч тииз Хурни задлхла, хойрдгч өмтэ юм: Нааран ир, — гив. <sup>4</sup>Тийгхлэ улан зеерд мөрн гарч ирв. Эн мөриг унсн күн делкэд бээх эвиг өмтнэс авх йоста бээж. Тер учрар өмтн нег-негэн алдг болв. Тер күүнэ гартик үлд бэрүлж. <sup>5</sup>Хурни нурвдгч тииз задлхла, нурвдгч өмтэ юмн: Нааран ир, — гисинь би соңсв. Тийгхлэ хар мөрн гарч ирв.

Терүн deer чиннүр бээрсн күн сууж. Энүг би үзв. <sup>6</sup>Эмтэ дөрвн юмн бээсн назрас:

— Нег өдрин жалвинь һанцхн нег кило цаһан буудя, эс гиж һанцхн нурви кило ичмэн болна. Зуг олив болн уста үзм моддыг бичэ үрэ! — гисн дуунла әлл юм би соңсв.

<sup>7</sup>Хурһн дөрвдгч тииз задлхла: нааран ир гисн өмтэ юмна ду би соңсв. <sup>8</sup>Тийгхлэ бор мөрн гарч ирв. Тер мөрн deer Үкл гидг нертэ юмн сууж. Түүнэ ардас «Үклин назр» гидг юмн дахад гарч ирв. Тедн хоюрн орчлнгин дөрвдгч өнгиг дээхэр, харһнл-хнар, му гемэр, зерлг ангудар дамжж алх йоста бээж. <sup>9</sup>Хурһн тавдгч тиизиг задлхла, тэклини ширэ дор бээсн Бурхна үгиг итк-лтэ кевэр тархаснас көлтэ алгдсан улсин сүмсдиг би үзв.

<sup>10</sup> — Сүркэ күчтэ Өрүн Үннч Деед Эзн! Кезэ күртл Та назр deer бээсн мана цус асхрулсан улсиг гэмшэл уга, цаажлл уга бэ-эхмт? — гиж тедн чанһ дууһар хээкрцхэв.

<sup>11</sup> Теднэ күн болһнд цаһан хувцн өггдв:

— Исуст церглж тана ахнр-дүүнрлэ әллэр алгдсан улсин то эс күцтл, невчк үүлэжэтн. Бичэ зовтн! — гиж тедн келлэ.

<sup>12</sup>Хурһн зурһадгч тиизиг задлхла, назр икэр чичрв. Нарн хар хувцн мет харһнурад, сар цусн метэр улатрв. <sup>13</sup>Тенгрин одд, инжр модна көк темсн кевтэхэр догшин салькнд нээхлэд унцхав. <sup>14</sup>Тенгр цаасн мет орагдад, уул, арл болһн ормасн көндрв. <sup>15</sup>Ор-члнгин хаадуд, йос бэрдг улс, цергин ахлачнр, баячуд, тоомсрата улс, зарцнр, сул улс цутган хадын көндэд, уулын хад чолун заагт орж бултцхав.

<sup>16</sup> — Мадн deer унад, ширэд Суусн Бурхна нүднэс, Хурһна цухлас мадниг бултулыт! <sup>17</sup>Янад гихлэ, Теднэ алдр цухлын өдр ирв. Тер цухлын өмнэс кен тесж бээж чадхмб? — гиж тедн келцхэв.

### *Израилин нег зүн дөчин дөрвн миңһн күн*

**7** Энүнэ хөөн би Бурхна дөрвн элчинrig үзв. Тедн назрин дөрвн үзгт зогсад, назр тал, тенгс тал, модд тал сальк үлэш-гоһар гиж дөрвн сальк бэрж. <sup>2</sup>Дорд үзгэс гарч йовх өмд Бурхна тамтга элчиг би үзв. Тер назрт болн тенгст хорлт кех йоста Бурхна элчинрт чанһ дууһарн иигж кель:

<sup>3</sup> — Мана Бурхна зарцнрин манна deer тамһ эс тэвтл назрт, уснд, моддт хорлт бичэ күргэтн.

<sup>4</sup> Нег зун дөчн дөрвн минһин күн маннадан Бурхна тамһта болсийн би соңсв. Тедн цуг Израилин арвн хойр унг-тохмас гарсан улс бээж, унг-тохм болһнаас арвн хойр минһин күн чигн.  
<sup>5-8</sup> Йудан унг-тохмас, Рубен унг-тохмас, Гадын унг-тохмас, Ашерин унг-тохмас, Напталин унг-тохмас, Манащен унг-тохмас, Шимона унг-тохмас, Левин унг-тохмас, Исахарин унг-тохмас, Зебулуна унг-тохмас, Йосипин унг-тохмас, Бенъяминэ унг-тохмас орж.

*Тоолж болшго оли күн*

<sup>9</sup> Энүнэ хөөн келн-эмтн болһнаас, ээмг болһнаас, келн болһнаас тоолж болшго оли күн ширэн өмн, Хурһна өмн цаһан хувцтан шавдл зандн модна бүчрмүд һартан бэрж зогссинь би үзв.

<sup>10</sup> — Ширэ deer Суусн мана Бурхн болн Хурһн мадниг аврла! — гиж тедн чаңһ дууһарн хээкржэнэ.

<sup>11</sup> Бурхна элчир цугтан ширэг, көгшэсиг болн өмтэ дөрвн юмig эргж зогжала. Дэкэд ширэн өмн элкдж унад Бурхнд мөргцхэв.

<sup>12</sup> — Мана Бурхн алдр туурмжта, цецн ухата, күчтэ, ачта! Мана Бурхнд магтал, мөнкиндэн ханлт! Тиигтхэ!

<sup>13</sup> — Цаһан хувцтань кемб? Альдас эдн ирсмб? — гиж нег көгшэ нанас сурв.

<sup>14</sup> — Аав, та эврэн меднэт, — гиж би хөрү өгв.

— Эдн ик алдр зовлы дааһад, Хурһна цусар хувцан унаж цаһалын улс. <sup>15</sup> Тегэд чигн эдн Бурхна ширэн өмн зогсад, өдр сө уга Бурхна сүмд церглийн. Ширэд Сууснь эднлэ хамдан бүүрлж, эн улсыг харсх. <sup>16</sup> Эдн дэкж өлсшго, ундасшго, һаң халун, нарн чигн эднд мууһан хальдашго. <sup>17</sup> Янад гихлэ, ширэн өөр зогссн Хурһн эдниг хөрүлж, урсдг булг тал дахулж авч ирх. Бурхн теднэ нүднэс асхрсн нульмс болһниг арчх.

*Бичэтэ цаасна доладгч тииз*

**8** Хурһн бичэтэ цаасна тиизиг задлхла, тенгр deer өрэл часин туршарт ө-чимэн уга болов. <sup>2</sup> Би Бурхна долан элчиг үзв. Тедн Бурхна өмн зогсла, долан бүрэ теднд бэрүльв. <sup>3</sup> Бурхна талдан элч ирэд, тэклийн бээрнэ өөр зогсв. һартны алтн сав бээж. Бурхна улсин мөргүллэ нийлүүлхин төлэд болн ширэн өмн бэ-эсн алтн тэклийн бээрнд бэрц бэрхин төлэд терүнд дала санггин

идэ өгч. <sup>4</sup>Бурхна улсин мөргүллэ дегц Бурхна элчин гарч бээсн савас гарсан санғин идэнэ утан Бурхнд өргц болв. <sup>5</sup>Бурхна элч сав авад, тэклийн бээрнэс халта цог савд тэвэд назрт хайв. Тер да-рунь охтрүүн дун гарад, шууган болад, цэкл цэклэд, назр чичрв.

### *Түрүүк дөрвн бүрэ*

<sup>6</sup>Бүрэ бэрсн Бурхна долан элч бүрэхэн татхар бэлдүхэв. <sup>7</sup>Тү-рүүк элч бүрэхэн татв: цусла хольсон хал болн мөндр назрт унв. Һазрин нурвдгч хув deerнь урхсан моддла, олн зүсн ноханла хамдан шатж одв. <sup>8</sup>Бурхна хойрдгч элч бүрэхэн татв. Шатжасн ик уул мет нег юмн тенгсин уснд хайгдв. Тенгсин нурвдгч хувнъ цуснд хуврв. <sup>9</sup>Тенгсин нурвдгч хувин өмтэ кийтэ юмс үкэд, тенд кермс уга болж одв. <sup>10</sup>Бурхна нурвдгч элч бүрэхэн татв. Һал мет шатжасн алдр одн тенгрэс гарад, һолмудын болн усна булгудын нурвдгч хувднь унв. <sup>11</sup>Тер одна нернь – Шарлжн. Усна нурвдгч өнгнүү һашурж одв, олн өмти тер усиг ууһад үкж одв. Янад гих-лэ, тер усн һашурж одв. <sup>12</sup>Бурхна дөрвдгч элч бүрэхэн татв. Нарн, сар, одд цагин нурвдгч хувднь герл өвшгонар эвдгдж. Өд-рин нурвна нег хувднь нарн герл өгдгө болв. Сар болн одд болхла сөөхнин нурвна нег хувднь герл өгдгө болв. <sup>13</sup>Ик deerнь тенгрт нег һөрд шовуг нисж йовхинь би үзв. Терүүг чанђ дууһарн иижж келсиг соңсв.

– Ээжэнэв! Ээжэнэв! Үлдсн нурви бүрэн ә соңгидхла, назр deerнь бээсн улс басл зовлнгган эдлх.

**¶** Бурхна тавдгч элч бүрэхэн татхла, тенгрэс назрт унсн од би үзв. Йорал уга худг секдг түлкүр однд өгв. <sup>2</sup>Тер йорал уга худг секв. Терүүнэс ик бешэс гарчах кевтэ, утан гарад ахараг дүүргэд, нарна герлиг хаав. <sup>3</sup>Утанас царцаха гарад назр deerнь тарв. Һазрин чим хорхан юс терүнд өгв. <sup>4</sup>Һазрин олн зүсн урхмлд болн моднд хорлт күрглго, зуг маңнадан Бурхна тамһ уга өмтнд хорлт күрг гисн заквр теднд өгв. <sup>5</sup>Эн өмтиг аллго тавн сардан зовах зөв теднд өгв. Тедн чим хорха хатхсн метэр өмтиг зовав. <sup>6</sup>Тер цагт өмти үкл хээх зуг олж чадшго, үкхэр седх, зуг үкл теднүр иршго. <sup>7</sup>Тер царцаха дээнд белдсн мөрнэ бээдлтэ, толна deerнь алти титм мет юмта бээж. Нүүрнүү күүнэ чирэ дураж. <sup>8</sup>Усны күүкд улсин үсн мет, шудн арслнггин сая мет. <sup>9</sup>Төмр мет хуйгта, живрин шууган дээнд довтлсн кесг мөрн тергнэ шууган

мет билэ. <sup>10</sup> Тедн чим хорхан сүүлтэ болн хатхурта, тедн сүүлэрн өмтнд тавн сардан хорлт күргэх зөвтэ бээж. <sup>11</sup> Теднэ хан йорал уга худгиг залдг Бурхна элч – нернь еврей келэр Абадон, грек келэр Аполион. (Эвдэч гисн ухтга.) <sup>12</sup> Түрүнк зовлн давхла, энүнэ хөөн дэкэд хойр зовлн аашна. <sup>13</sup> Бурхна зургадгч элч бүрэхэн татв. Бурхна өмн бээсн тэклийн алтн ширэн дөрвн талк үзгэс дун соңгдв. (Тэклийн алтн ширэн дөрвн талкны өврин бээдлтэ бээсмн.) <sup>14</sup> Тер бүрэн дун Бурхна зургадгч элчд иигж келнэ:

– Евфрат гидг алдр нолд күлэтэ Бурхна дөрвн элчиг сүлдха!

<sup>15</sup> Бурхна дөрвн элч күмни нурвдгч хүвинь алхин төлэд сүлдгдв. Эн час, өдр, сар болн жилин төлэ тедн бийээн белдэд бээж. <sup>16</sup> Би мөртэ цергин тоохинын соңсв. Тернь хойр зун сай бээж. <sup>17</sup> Тер мөрдинь би үзглдээн үзв. Тер мөрд deer суусн улсин хуйгтын hal мет улан, сапфир гидг эрднч чолун мет көк, күкр мет шар өнгтэ бээж. Мөрдин толнаас арслынгин толнаан бээдлтэ бээсмн. Hal, утан болн күкр амнасны harad бээж. <sup>18</sup> Мөрнэ амнас harasn нурвн аюл: hal, утан болн күкр күмни нурвдгч хүвинь алж уга кеж. <sup>19</sup> Янад гихлэ, мөрнэ күчнч амн сүл хойрт бээж. Сүүлмүд мohan толнаан бээдлтэ бээж. Терүгэрн тедн хорлт күргв. <sup>20</sup> Эн олн аюлас өмд үлдсн өмтн эврэнн кедг юман хайсн уга, тедн хар сэкүсдт, юм соңж үзж ювж чаддго алтн мөнгн зес, чолун болн модн шүтэдт сөгддгэн уурсн уга. <sup>21</sup> Тедн кү алдган, бө кедгэн, аля бузр harpdgan, хулха кедгэн хайсн уга.

### *Орачксн бичкин цаасн*

**10** Би Бурхна юс бэрдг талдан элчиг үзв. Тер тенгрэс бууж ирв. Бурхна элчиг үүлн хувцн мет ораж. Толна deerэн сол-нхта, чирэнь нарн мет гилвксн, көлнь hal бахн мет билэ. <sup>2-3</sup> Нартан секэтэ бичкин цаас бэрсн барун көлэрн тенгс ишкэд, зүн көлэрн назр ишкэд арслынгин оркрлён мет чанх дуунар хэ-экрв. Терүг хээкрхлэ, долан ohtphun дун harv. <sup>4</sup> Тер долан ohtphun дуунар хээкрхлэ, би бичхэр белдув, зуг тенгрэс гарсн дун иигж кель:

– Долан ohtphun келсн үг нуунаад бичэ бич.

<sup>5</sup> Тийгхлэ тенгс назр deer зогссн Бурхна элчиг барун haran тенгрүр өргсиг би үзв. <sup>6</sup> Тенгр, назр, тенгс нурвиг болн тенд бэ-эсн цуг юмиг үүдэсн мөнкиндэн бээдг Бурхна нер олзлад тер анднаар тэвэд:

— Бүтх юмн эрк биш бүтх.<sup>7</sup> Бурхна доладгч элч бүрэхэн татхла, Эврэннүүс нууцин зураан Бурхн үүцэх. Энүнэ тускар Тер Эврэннүүс зарц ээлдэчнртэн урдны зэнглсмн, — гив.

<sup>8</sup>Урдны нанд үг келсн, тенгрэс гарсн дун дэкэд иигж кель:

— Йов! Тенгс deer болн назр deer зогсжасн Бурхна элчин харт бээсн секэтэ цаасинь ав.

<sup>9</sup>Би Бурхна элчүр өөрдэд, тер бичкин цаасиг сурв.

— Эн цаасиг авад ид. Чини геснд нашун болх. Зуг амндчн бал идсн мет өмтэхн болх, — гиж тер нанд кель.

<sup>10</sup>Би Бурхна элчин харт бээсн цаас авад идв. Тер цаасн амндум бал мет өмтэхн болв. Идэд дуусхам геснд нашун болв.

<sup>11</sup>— Чи келн-улсин, келмүдин болн кесг хаадудын тускар дэкн ээлдх зөвтэч, — гиж нанд кель.

### *Хойр герч*

**11** Тер кемжэлхин төлэ нанд тайг өгв.

— Йовад Бурхна сүмсг тэклин ширэтэ хамднь кемжэл. Дотрны сөгджэх улсиг тоол. <sup>2</sup>Сүмин назак бээрэг бичэ кемжэл. Янад гихлэ, тер буру номта улст өгсн юмн. Тедн өрүн бал-хисиг дөчн хойр сардан даажрад залх.<sup>3</sup> Нашудсан цагт өмсдг хувцта хойр герчэн илгэнэв. Тедн минхн хойр зун жирн өдрт ээлдх юоста болх.

<sup>4</sup>Эн хойр герч — орчлнггин Деед Эзнэ өмн зогссн хойр олив модн, зул өргсн хойр тэвц болжана. <sup>5</sup>Теднд күн хоран күргхэр седхлэ, теднэ амнааснь нал нарад өштэнтриг уга кех. Тийгэд эн герчнрт хоран күргхэр седсн күн тиигж алгдх. <sup>6</sup>Ээлдсн цагтан тедн тенгр хаах, хур ордгинь ууруулх. Усиг цуснд хүврүлх дурта цагтан, назрт аюл илгэх. Тедн тиим юоста болх. <sup>7</sup>Теднит герчлж дуусхлань, йорал уга худгас гарсн догшн аң хойр герчин өмнэс дээлдж, теднит диилж алх. <sup>8</sup>Теднэ өмн уга цогц алдр балжсна уульницд кевтх. Тенд урдны теднэ Деед Эзн кирс deer цаажлгдсмн. Эн балжсна тежг нерн Содом болн Египет. <sup>9</sup>Келн-өмтн болжнаас, өэмг болжнаас, келн болжнаас цуг улс нурви өдр дундур эн күшмүд хэлэж үкэрт оршах зөв өгшго. <sup>10</sup>Тер хойр ээлдэч назрт бээсн улсиг зовасн учрас күмни улс теднэ үклд икэр байрлх. Эмтн нег-негндэн белг өгэд нэр кех. <sup>11</sup>Нурви дундур өдр давхла, Бурхнаас гарсн өмнэ Сэкүсн теднэ цогцд орад, тер хойр герч босад көлөрн зогсж. Энүг үзсн улс икэр өэцхэж.

<sup>12</sup> – Нааран, деегшэн һартн, – гиж теднд келсн чанһ дун тенгрэс һарсинь тер өэлдэчир соңсв.

Тер хойр герч үүлн деэр тенгрүр өөдльв. Теднэ өшэтнр энүг үзв. <sup>13</sup> Тер даруны һазр икәр чичрв. Балысна арвдгч хүвнъ хольв-рад унж одв. Эн һазр чичрлүнд долан миңһн күн үкв, наадкснь икәр сүрдэд, тенгрин Бурхнд туурмж өргв. <sup>14</sup> Хойрдгч зовлн да-гад, нурвдгч зовлн бачм кевэр өөрдж йовна.

### *Доладгч бүрэ*

<sup>15</sup> Бурхна доладгч элч бүрэ татв.

– Мана Бурхн болн Терүнэ илгэсн Аврач орчлнгиг залх йос-та болв. Бурхн мөнкиндэн залх, – гисн кесг чанһ дун тенгрэс соңсгдв.

<sup>16</sup> Бурхна өмн суусн хөрн дөрвн көвшэс элкдж кийсэд Бурхнд сөгдж келцхэв:

<sup>17</sup> – Ода бээдг, урднь чигн бээсн, Деед Эзн, сүркэ күчтэ Бурхн! Алдр күч авад орчлнгиг залснди ханлт өргжэнэвидн! <sup>18</sup> Буру номта улс килнж бээнэ. Болв Тана цухлын цаг ирв. Та үкслн улсиг зарһла хархулхит. Тана зарцнрт, өэлдэчнрт, Бурхна улст болн таниг өэдг тоомсрта болн тоомср уга улст ачинь хэрүлх цагнь ирв. Орчлнгиг хоосрулжах улсиг уга кех цаг өөрдв! <sup>19</sup> Тенгрт бээсн Бурхна сүм тер даруны секгдэд, тенд бээсн боо-цана хээрцг үзгдв. Генткн цэкл цэклэд, шууган, оһтрүн дун нарад, мөндр икәр орад, һазр чичрв.

### *Күүжд күн болн лу*

**12** Тенгр deer алдр темдг үзгдв. Нараар хувц кеж өмссин, көл дорнь сарта, толна deerэн арвн хойр одга титм зүүсн күүкд күн үзгдв. <sup>2</sup> Тер күүкд күн саата болад гиигрхэр, элкн мошклхла, хээкрэд зовад бээж. <sup>3</sup> Тенгрт талдан темдг үзгдв. Долан толната, арвн өвртэ, толна болниднь бичкн титмтэ һал улан лу һарч ирж. <sup>4</sup> Терүнэ сүүлнь оддын нурвдгч өнгнүй бэрж авад һазрт шивчкв. Күүкд күүнэ гиигрх цагинь կүлөхэд, тер лу үринь авч идхэр өмнинь гетэд суув. <sup>5</sup> Күүкд күн көвү һархж. Тер көвүн төмр тайгар цуг күмн өмтиг хэрүлх зөвтэ бээж. Нилх көвүг Бурхн тал деег-шэн, Терүнэ ширэ тал өөдлүлсн. <sup>6</sup> Күүкд күн көдэ һазрт бэлдсн бээрнүүр темцж зулад гүүж одна. Тенд түүнд нег миңһн хойр зун жирн өдр тежэл өггдх. <sup>7</sup> Тенгр deer ик дэн болж. Михаил гидг

Бурхна ах элч талдан элчнртэхэн лууһин өмнэс дэврж. Лу болхла эврэннъ элчнртэхэн терүг зөрөд дээлдж. <sup>8</sup>Зуг лу элчнртэхэн хамдан диилгдж. Тенгр deer теднд бээх бээрн үлдэсн уга. <sup>9</sup>Лу элчнртэхэн хамдан назрур көөгдв. Эн кезэнк мoha, Гемшэч болн Өшэтн гидг нергэ күмн өмтнэ худлч. <sup>10</sup>Энүнэ хөөн би тенгрэс гарсан чаңх ду соңсв.

— Ода мана Бурхн эврэннъ улсан аврх! Тер Эврэннъ йосан олзлад хан мет залх! Бурхна илгэсн Аврач орчлнгиг залх. Яһад гихлэ, ахнр-дүүнриг Бурхна өмн өдр сө уга гемшэдг Гемшэч ода уга болж одв. Тер тенгрэс көөгдв. <sup>11</sup>Тедн Хурһна цусар болн эврэннъ цээлхисн үнн үгэрн терүг диилцхэв. Кергтэ цаглахан, тедн өмэн өрвллго үкхдэн белн билэ. <sup>12</sup>Тенгрт бээсн цуг өмтэ тоотнь байрта бээтхэ! Зуг назр, тенгс басл зовлнган эдлхит, яһад гихлэ, эрлг тадн тал бууж ирв. Цагнь ахр болсн учрас тер ик цухлта бээнэ.

<sup>13</sup>Назрур көөгдсэн медэд, лу нилхиг гархсн күүкд күүг көөдг болов. <sup>14</sup>Көдэх назрт бээсн эврэннъ бээрндэн нисэд күртхэ ги-хэд, тер күүкд күүнд ик һэрд шовуна хойр живр өгч. Тенд терүг нурвн жил дундур тежэх, тенд эрлгэс бултх. <sup>15</sup>Гиигрсн күүкд күүг һолын урсхулар уга кехэр лу амнаас һол мет дала ус гархж. <sup>16</sup>Зуг тер күүкд күүнд назр шуурад нөкд болж, лууһин амнаас гарсан усиг зальгв. <sup>17</sup>Лу тер күүкд күүнд улм килннэд, терүнэс төрсн үрдүдлэ дээлдхэр нарад йовна. Тер үрдүд Бурхна заавриг күцэдг бээж болн Иисусин сексн үннд итклтэ бээж. <sup>18</sup>Лу тенгсин көвэд ирэд зогсж.

### *Хойр догшин ан*

**13** Тенгсин усн дотрас долан толһата, арви өвртэ ан гарч ирсийн би үзв. Өвр болһинд титмтэ, толһа болһинд Бурхиг муурулдг нерд бичэтэ бээж. <sup>2</sup>Тер ан ирвскин бээдлтэ, көлнү аюоин көллэ әдл, амнъ арслнггин амнаа әдл бээж. Лу терүнд эврэннъ күчэн, өмтиг залх алдр йосан өгч. <sup>3</sup>Тер ангин нег толһань үклин шавта бээсийн би үзв. Зуг тер үклин шав эдгж. Энүг үзсн улс икэр өврэд ангиг дахж. <sup>4</sup>Лу анд эврэннъ йосан өгсн учрас цуһар лууд сөгдж. Эн анла кен әдлцхмб? Энүнлэ кен дээлдж чадхмб? — гиж цуһар анд сөгдэд келцхэв. <sup>5</sup>Тер догши анд дөчн хойр сарин туршарт бийэн буульх, Бурхна тускар му келх зөв өггдж. <sup>6</sup>Тегэд ан Бурхиг, Терүнэ нериг болн бүүрлсн бээриг,

тенгрт бээсн цуг юмсыг эклэд харана. <sup>7</sup> Бурхна улсин өмнэс дэ босхх, тедниг диилх зөв тер авч. Ээмг болһниг, келн-эмтн болһниг, келн болһниг залх йос тер авч. <sup>8</sup> Орчлнд бээсн күмн өмтн терүнд сөгдх. Зуг өмн-жирһлийн дегтрт орчлн үүдхэс өмн\* бичгдсн улс терүнд сөгдшго. Эн өмн-жирһлийн дегтр алгдсн Хурһна дегтр мөн. <sup>9</sup> Соңсхар седснь соңстха! <sup>10</sup> Бэргдх зөвтэ күн бэргдх, үлдэр алгдх зөвтэ күн үлдэр алгдх. Бурхна улс тесвртэ, итклтэ болх зөвтэ гиснь эн үгмүдэс медгднэ. <sup>11</sup> Талдан догшн ик ангиг би үзв. Тер аң Хурһнла әдл хойр өвртэ бээж. Лу кевтэхэр ду нарад, тер назр дорас нарч ирв. <sup>12</sup> Тер түрүнк догшн ангин чирэд терүнэ йос олзлад, назр deer бээсн күмн-эмтиг эдгсн шархта түрүнк анд сөгдүльв. <sup>13</sup> Тер аң алдр онц темдг үзүлж, өмтнэ чирэд тенгрэс hal нарhad назрт хайж. <sup>14</sup> Түрүнк ангин өмн хойрдгч аң онц темдгүд үзүлж, өмтиг меклв. Тер аң назрт бээсн улст иигж закв:

— Үлдэр шавтгдад өмд үлдсн түрүнк ангин дүрстэ шүтэ кетн!  
<sup>15</sup> Эн шүтэн келхин төлэд болн шүтэнд эс мөргсн улсиг алх зэрлг өгдг болхин төлэд, түрүнк догшн ангин шүтэнд өм орулх зөв хойрдгч анд өггдв. <sup>16</sup> Нерн уга болн нертэ, байн болн угатя, сул болн муҳла цуг улс цугтаднь барун нартнь эс гиж маннаднь тамһ күчэр тэвх зэрлг хойрдгч аң өгв. <sup>17</sup> Учрнь иим: тамһ уга күн юм хулдх, хулдж авх арх уга болх. Тамһ гиснь ангин нерн эс гиж ангин нернэ то. <sup>18</sup> Энүг медхин төлэ цецн ухата болх кергтэ. Ухата күн ангин тооһин чинр-утхнь медж чадх. Ангин то — лавта күүнэ тонь. Эн тонь: 666.

#### *Хурһна болн Терүнэ авргдсн улс*

**14** Бурхна Хурһиг Сион уулд зогсжасинь би үзв. Терүнлэ хамдан зун дөчн дөрвн минһин күн бээж. Теднэ манна дөер Хурһна болн Терүнэ Эцкин нерн бичэтэ бээж. <sup>2</sup> Усна күркрэнэ шууган мет оһтрhy йир чанһар күржнисн дун мет болн жинисн ятхин айс мет дун соңсгдв. <sup>3</sup> Ширэн өмн, өмтэ дөрвн юмна өмн, көгшэсийн өмн 144.000 күн шин ду дуулжана. Эднэс даву талдан күн эн дууг дасж дуулж чадсн уга. Орчлнгийн өмтнэс hanцхн эдн авргдсн бээж. <sup>4</sup> Тедн күүкд күүнлэ бийэн бузрдалго, гер мал угаһар бээдг бээж. Тер улс Хурһна йовсн хаалһар дааж

\* Эн өмн жирһлийн дегтр орчлн үүдхэс өмн алгдсн Хурһна дегтр мөн.

йовна. Орчлнгас һанцхн тедн авргдсмн. Тедн Бурхна улс болн Хурһна улс Бурхнд бэрсн түрүнк үрһцин дееж мет билэ. <sup>5</sup>Тер улсиг худл келдгоһар цуһар меднэ, тегэд чигн теднд буру уга.

### *Бурхна һурвн элч*

<sup>6</sup>Би Бурхна талдан элчиг үзв. Тер назрт бээсн улст, ямаранчн кели өмтинд, цуг өэмг боли баг келинд тархахин төлэ мөнк Сэн Зэнг нартан ик deer тенгрт нисж ьовж.

<sup>7</sup>— Бурхиг қүндрит! Терүнд магтал өргтн! Бурхна зарһин цаг ирв. Тенгрин, назрин, тенгсин, усна булгудын Үүдэчд сөгдтн! — гиж тер чаңһ дууһар келлэ.

<sup>8</sup>— Вавилон каарв! Алдр Вавилон каарв! Чаһр күүг авлсн мэтэр Вавилон аля-бузр ьовдларн келин-өмти болнниг авлснь мөн. Тер учрар Бурхн тер өмтиг цаажла харһулх, — гиж Бурхна түрүнк элчиг дахсн хойрдгч элч кель.

<sup>9-11</sup>Догшн анд, терүнэ дүрстэ шүтэнднь сөгдэд маннадан эс гиж нартан тамһинь авсн күн болһи Бурхна цухлын чаһрас уух. Уснла хольггад уга эн чаһриг Бурхн Эврэннъ цухлын ааһд кев. Эн улс Бурхна өрүн элчинрин боли Хурһна чирэд һалта күкрд тусж зовлнган эдлх. Тедниг зовадг һалын утан мөнкиндэн һарх. Янад гихлэ, догшн анд, терүнэ дүрст сөгдсн, терүнэ нертэ там-хта улс өдр сө уга зовж, амр-зая уга бээх, гиж Бурхна хойрдгч элчиг дахсн ьурвдгч элч чаңһ дууһар кель. <sup>12</sup>Бурхна заавриг кү-цидг Исуст иткдг Бурхна улс тесвртэ бээх зөвтэнь эн үгмүдэс медгднэ. <sup>13</sup>Генткн би тенгрэс ду соңсв. Тер иигж кель:

— Бичж ав: Эн цагас авн эклэд Деед Эзнд иткдг улс болж үкдг улс буйн кишгтэ!

Эрүн Сәкүсн хәрүднъ:

— Буйн кишгтэ мөн! Тедн көдлүмшэн чилэхэд амрч бээтхэ! Янад гихлэ, теднэ күцэн керг-үүлнъ ардаснь дахж ьовна! — гиж кель.

### *Урһи*

<sup>14</sup>Тиигэд би хэлэхэд, цаһан үүл үзв. Тер үүлн deer Суусна дүрснъ күмни күүнэ дүрстэ бээж. Тер толнадан алтн титм зүүж, нартан хурц иртэ хадур бэрж. <sup>15</sup>Бурхна талдан элч сүмэс һарад үүлнд Суусиг дуудад:

— Цуг назр deer үрһцнъ боловсрж. Хурах цаг ирхлэ, хадуран олзлж үрһциг хадж ав, — гиж чаңһ дууһарн кель.

<sup>16</sup>Үүлн деер Сууснь хадурагазарт бээсн үрһиг хадад хурав.

<sup>17</sup>Бурхна талдан элч тенгргт бээсн сүмэс гарна. Һартнь бас хурц иртэ хадур бээж. <sup>18</sup>Тэклийн ширэ бээсн назрас дэкэд нег Бурхна элч гарв. Тер наалын ээн бээж.

— Ода назрин уста үзм сэн болвсрын учрас уста үзмин темсийн хадуарын хадж ав, — гиж хурц хадурга Бурхна элчд тер чанђар кель.

<sup>19</sup>Бурхна элч хадуарын хадж назрин уста үзмин темсийн хураж авад, Бурхна цухлын алдр назарт хайв. Тенд уста үзм шахж шүүс кедг бээж. <sup>20</sup>Уста үзм шахдг назарт балысна назань бээж. Тендэс гарсан цусн гол мет урсад гүүнэрн күсдундур метр, утарн нурви зун шаху дууна назарт деврж.

#### *Бурхна сүүлнк долан аюлта элчир*

**15** Тийгхлэ би тенгр деер талдан алдр онц темдг үзв. Тернь: Бурхна долан сүүлнк аюлта элчир. Эднэ хөөн Бурхна цухл чилв. <sup>2</sup>Дэкэд би наалла хольсн шил тенгс үзв. То болсн нергээ догши аңгиг болн терүнэ дүрстэ шүтэг дийлсн улсиг би бас үзв. Тедн Бурхна ятх бэрэд, тенгсин көвэд зогсажж.

<sup>3</sup>— Сүркэ күчтэ Бурхн! Тана кесн үүл ик алдр болн өврмжтэ! Келн-эмтн болһна хан. Тана хаалһ чик болн үнн! <sup>4</sup>Таниг күндолдго, туурулдго күн бээхий? Та наанцхн өрүн Бурхнд! Назр деер бээсн цуг келн өмтн ирэд Танд сөгдх. Янад гихлэ, Тана үнн чик керг-үүлмүдиг цуһар ил үзлэ! — гиж тедн Бурхна зарц Мошен дуулсан дууг болн Хурхна дууг дуулж.

<sup>5</sup>Энүнэ хөөн би хэлэхэд, тенгргт секгдсн хамгин өрүн бээриг үзв. Тер герчллнэ өргэ дотр бээж. <sup>6</sup>Герчллнэ өргэхэс долан аюлта Бурхна долан элчир гарч ирв. Тедн өрчэн алти бүсэр бүслсн гильксн цаһан хувцта бээж. <sup>7</sup>Эмтэ дөрвн юмна негнь Бурхна долан элчир болһнднь мөнкиндэн бээдг Бурхна цухлар дүүрн долан алти ааһ өгв. <sup>8</sup>Герчллнэ өргэ Бурхна туурмжас болн күч-йоснас гарчах утаяр дүүрв. Бурхна долан элчинрин долан аюл эс дуустл күн хамгин өрүн бээрн дотр орж чадсн уга.

#### *Сүүлнк долан аюлмууд*

**16** — Долан аахас Бурхна цухлыг назр болһнд йовж асхтн! — гисн чанђ дун хамгин өрүн бээрнэс гарсийн би соңсв.

Тер дун Бурхна долан элчинрт энүг келж. <sup>2</sup>Бурхна негдгч элч йовад, назр деер аахас асхна. Тер даруунь догши ангар тамһлгдсн

боли төрүнэ дүрстэ шүтэнд мөргдг улсин цогц deerнь ээмшгтэ өөртэ шарх harна. <sup>3</sup>Бурхна хойрдгч элч тенгсин уснд aahas асхна. Тер даруунь усн үксл күүнэ цусн мет болад одна, уснд бээсн цуг эмтэ тоотнь үкж одна. <sup>4</sup>Бурхна нурвдгч элч hолд, усна булг болһнд aahas асхна. Тер уснь цуснд хүврнэ. <sup>5</sup>Бурхна элч, цуг усна эзн, иигж келсийн би соңсв:

— Та эрүн Бурхнд! Та урднь бээхэд онъдиндэн бээдг билэт! Тана кесн зарһти үнн чик! <sup>6</sup>Эн назрин улс Бурхна улсин болн өэлдэчнрийн цус асхрулла, тегэд чигн Та эдниг цусар услжанат. Эдн кесн үүлэн эдлжэнэ.

<sup>7</sup>Деед Эзн сүркэ күчтэ Бурхн! Тана зарһти үнн боли эрүн чик! — гисн дун тэклийн ширэхэс harсиын би соңсв.

<sup>8</sup>Цаарандан Бурхна дөрвдгч элч эврэннэ aahas нарн deer асхна. Тегэд өмтиг han халунар шатах зөв тер авв. <sup>9</sup>Ик han халунд өмти шатв. Тер цагт өмти эн аюлын Эзн Бурхиг му келэд, килнцтэ үүлэн хайсн уга, Бурхиг туурулсан уга. <sup>10</sup>Тавдгч Бурхна элч догши ангин ширэд aahas асхна. Терүнэ нутг харнхурад, өмти ик зовлнгас көлтэ келэн зууцхав. <sup>11</sup>Тедн шавта, шархта болсн учрас тенгрин Бурхиг му кель, болв килнцтэ йовдлан хайсн уга. <sup>12</sup>Бурхна зурнадгч элч Евфрат гидг алдр hолд aahas асхна. Дорд үзгин хаадудт хаалхинь белдсэр Евфрат гидг hолын усн хагсж одж. <sup>13</sup>Луухин, догши ангин боли худл өэлдэч нурвна амнаас тус-тустан нурви меклэн дүрстэ хар сэкүсн harсиын би үзв. <sup>14</sup>Тер нурви хар сэкүсн онц темдг үзүль. Сүркэ күчтэ Бурхна алдр өдрлэ дээлдхэр цуг делкэн хаадудыг цуглулхар тедн harна. <sup>15</sup>Соңстн! Хулхач герт генткн ордг кевэр би ирхв. Чирм нүцкн harшгонар, бийэн hуташгонар, эврэннэ хувцан хадһлж, саг-сергг бээсн күн буйн кишгтэ! <sup>16</sup>Тер нурви хар сэкүсн орчлнгин хаадудыг еврей келэр Армагедон гидг нертэ назрт цуглулж. <sup>17</sup>Бурхна доладгч элч ahar deer aahas асхна. Сүм дотрас ширэ бээсн назрас «Күцв», — гисн чаңһ дун harв. <sup>18</sup>Тегэд цэкл цэклэд, оһтрхун дун, ик шууган haрад, назрин ик чичрлhn болв. Эн назрин чичрлhn күн үүдснэс авн үзгддго. <sup>19</sup>Ик алдр балhсн нурви энгэр энгрв. Келн-өмти болhна балhсд хольврв. Алдр Вавилоныг догши цухлын aahas уулhхар Бурхн терүг санж тодлв. <sup>20</sup>Арл, уул болhн уга болж одв. <sup>21</sup>Дөчн кило дүнгэ ик мэндр тенгрэс өмти deer унв. Мэндрин аюлд икэр зовад, өмти Бурхиг му келцхэв, яhad гихлэ, тер аюл йир күчр болв.

*Ик нертэ аля күүкд күн догши аң хойр*

**17** Долан ааһ бэрсн Бурхна элчинрин негнь нан тал өөрдэд иигж өлв: – Нааран ир! Дала һолын усна өөр суусн ик нертэ аля күүкд\* яһж цаажгдхинь чамд үзүүлнэв. <sup>2</sup> Һазрин хаадуд терүүнлэ аля, бузр йовдл кеж, һазрт бээсн улс терүүнэ аля бузр чаһрас ууж согтсмн. <sup>3</sup> Би Эрүн Сэкүсэр дүүрв, Бурхна элч намаг эжго көдэд авч ирнэ. Тэнд улан догши аң деэр суусн күүкд күүг би үзв. Тер аң деэр Бурхиг му келдг олн нерд бичэтэ бээж. Тер аң долан толһата арви өвртэ бээж. <sup>4</sup> Күүкд күн улавцр, көк болн улан хувцта, алтн кеерүүлтэ, эрднэ чолуһар, сувсар кесн чимгтэ бээж. Һартны зута болн бузр-аля йовдлмуудар дүүрн алтн аан бээж. <sup>5</sup> Терүүнэ маннаднь нууц тээлвртэ нернь бичэтэ бээж. Тер нернь эн: Вавилон гидг алдр балһсн – орчлнгин аля күүкд улсин зута йовдлын эк. <sup>6</sup> Бурхна улсин цусар, Исусин тускар герчлсн улсин цусар терүүг согтсийн би үзв. Тер күүкд күүг үзэд би йир икэр өврв.

<sup>7</sup> – Янад өврэд бээнэч? Эн күүкд күүнэ болн терүүнэ суусн долан толһата, арви өвртэ ангин нууц чинринь би чамд ода цээлнж өгнэв. <sup>8</sup> Чини үзсн аң урднэ өмд билэ, ода тер өмн уга. Зуг тер йорал уга худгас нарад үклэ харх. Орчлн үүдснэс өмн өмн-жирхлийн дэгтрт нернь эс бичгдсн өмтн ангиг үзэд икэр өврх. Янад гихлэ, тер аң урднэ өмд билэ, ода өмн уга, зуг хэрү ирх. <sup>9</sup> Цугинь медж авхин төлэ цецн ухан кергтэ. Долан толһа гиснь – күүкд күн суусн долан өөдм һазр, бас тернь долан хан болжана. <sup>10</sup> Түрүнк тавнь өнгрж одла, негнь ода ширэ deer сууна, сүүлнкнь ирэд уга. Тер ирхлэрн хан болж удан үлдшго. <sup>11</sup> Урднэ өмд бээсн, ода өмн уга аң долан хаадудын негнь, эн нээмдгч хан болж хэрү ирх. Эн үклэ харх. <sup>12</sup> Чини үзсн арви өвр – арви хан мөн. Тедн өмтиг залад уга, зуг анла хамдан хан болад, нег частан йос бэрх зөв авх. <sup>13</sup> Тер арви хаадуд нег ухан-саната, болов тедн эврэннъ йосан болн күчэн догши аңд өгх. <sup>14</sup> Тедн Хурхнла дээлдх. Зуг Хурхн Эврэннъ Бурхна дуудсн, шүүж авгдсн итклтэ дахгчнтаан тедниг диилх. Янад гихлэ, Тер эздүдин Эзн, хаадудын Хан.

---

\* Ик нертэ күүкд күн гиснь: Вавилон балһсн. Вавилон балһсн гиснь: Бурхиг сонсдго улс.

<sup>15</sup>Дэкэд Бурхна элч иигж кель:

— Аля күүкд күн суусн дала нолын усн гиснь — олн зүсн келн-улс, олн келн. <sup>16</sup>Чини үзсн арвн өвр болн аң аля күүкд күүнд дурго болад, терүнэ эзлсн юминь цугинь булааж авад, күүкд күүг чим нүцкн үлдэх. Эдн күүкд күүнэ цогц махмудынь идэд, терүг наалд шатах. <sup>17</sup>Янад гихлэ, Бурхн Эврэнн таалыг күцэх сана арвн хаадудын уханднь орулсмн. Бурхна таал эн: Бурхна үг эс күцтл арвн хаадуд нег уха-сана зүүнэд, йос күчэн анд өгх. <sup>18</sup>Чини үзсн күүкд күн болхла орчлнгин хаадудыг залдг алдр балхсн мөн.

### *Вавилон балхсна каарлын*

**18** Энүнэ хөөн Бурхна талдан элчиг тенгрэс буужахинь би үзв. Тер ик йоста бээж. Бурхна элчэс асжах гегэн назрт тусж цугинь герлтуль. <sup>2</sup>Тер чаңх дуунарн иигж хээкрв:

— Вавилон ка тусв! Алдр Вавилон каарв! Тер зүсн зүүл хар сэ-күсдин болн бузр жигшүртэ шовудын [болн зүсн-зүүл бузр ангу-дын] гер болж. <sup>3</sup>Янад гихлэ, орчлнгин өмтн болһн, хан болһн терүнлэ бузр-аля йовдл кедг бээж. Орчлнгин кувцнр терүнэ байн зөөрэс көлтэ икэр байжж.

<sup>4</sup>Тер хоорнд талдан дун тенгрэс һарсинь би соңсв:

— Эн балхснд бээсн өмтнлэ өдл килнц һарһшгон төлэ, энүнд илгэсн Бурхна цаажла харһшгон төлэ, Мини улс, эн балхснаас һартн! <sup>5</sup>Янад гихлэ, энүнэ килнц тенгрт күрч. Тегэд Бурхн энүнэ хар йовдлмудыг тодлв. <sup>6</sup>Эн балхснд бээсн улс талдан өмтнд ю кесн болна, тедү метэр бийсднь кеһэд, дэкэд хойр холванд икэр ачинь хөрүлтн. Эн бийн талдан улст белддг ундас хойр холванд үлү чанх унд энүнэ ааһдны кетн. <sup>7</sup>Янж эн алдр бээдлэрн бийэн бууляд, байн элвг-дэлвгэр бээдг билэ, тедү мет зовлн, түрү-зу-дуг энүнд илгээн. Янад гихлэ, эн балхсн бийдэн келж: «Би ши-рэд суусн хатн ханв. Би белвсн күүкд күүнлэ өдл төрүц юмнд һашудшгов, гейүршгов». <sup>8</sup>Энүнэс көлтэ нег өдрин кемжэд тер ик аюлла харх: тер му гемэр гемтэд, залуһан гееһэд, берк гид-гэр харһнх. Энүг цаажла хархулсн Деед Эзн Бурхн сүркэ күчтэ болсн учрас эн ик наалд шатж одх. <sup>9</sup>Энүнлэ хамдан бузр-аля йовдл кесн, байн зөөрт орлцсн орчлнгин хаадуд Вавилон балх-сиг шатасн һалын утаг үзж, энүнд зовж оркх. <sup>10</sup>Тедн энүнлэ өдл зовх гиж өөхэд, балхсна цаад зогсад иигж келх: Ю, өэжэнэв! Өэжэнэв! Алдр балхсн! Бат балхсн Вавилон! Нег часин эргцд

чи гемшэгдж цаажла хархвч.<sup>11</sup> Күн орчлнгин кувцнрин өлг-эд эс хулдж авдг учрас тедн энүнд зовад оркрж нашудх.<sup>12</sup> Өлг-эднь эн: алтн, мөнгн, эрднь чолун болн сувсн, цаһан болн гилвксн улавцр көк хувцн, торһн болн улан хувцн, зүсн-зүүл канкнсн үнртэ модн, занын сояһар, үнтэ модар, зесэр, төмрэр болн һаньтг чолуһар кеж сиилүлсн чимгүд,<sup>13</sup> шинз\* гидг канкнсн үнртэ талхн, зать сангин идэн, мирр гидг тосн, канкнсн үнртэ либанон гидг талхн, чаһр, олив тосн, һайр, цаһан буудя, мал, хөд, мөрд болн тергд, муҳла улс болн кел бэргдсн улс.

<sup>14</sup> – Чини эзлхэр седсн сэн юмн уга болж одв. Чини байн зөөрчн, чини цуг сээхн гилвқдг юмн уга болж одв. Болв дэкж чи тедниг хэрү авч чадшгоч, – гиж кувцнр энүнд кель.

<sup>15</sup> Эн балһсна байн хулдар байжсн кувцнр, энүнлэ өдл зовхас ээхэд цаад зогсх. Тедн нашудж оркрх.

<sup>16</sup> – Ээжэнэв! Ээжэнэв! Алдр балһсн! Цаһан гилвксн, улавцр көк болн улан хувц эн өмсдг билэ. Эн бийэн алтар, эрднь чолуһар болн сувсар кеерүлдг билэ!<sup>17-18</sup> Негхн цагин кемжэд эн эврэннь бээсн зөөрэн геечкв!

Кермig залачнр болн кермэр йовдг улс, матросмуд болн тенгсэр йовад мөнг шингэдг улс балһснас цаад зогсад, түүмрин утаг үзэд, иижж хээкрлэ: Иим алдр балһснас даву алдр балһсн уга бээсн биший?<sup>19</sup> Тедн нашудад, толна деерэн үмсн цацаад оркрж үнундл төрв:

– Ээжэнэв! Ээжэнэв! Алдр балһсн! Тенгсэр йовад, цуг кермисн залачнр энүнэ зөөрэс байжсн биший? Негхн цагин кемжэд тер цугинь геечкв.<sup>20</sup> Тенгр, Бурхна улс, апостолмуд, ээлдэчнр энүнд байрлтха! Янад гихлэ, Бурхн эн балһсиг таднд му кесн учрас зарһула хархуулла.

<sup>21</sup> Йос бэрсн Бурхна элч теермин чолу авад:

– Иим үүчэр алдр балһсн Вавилон ка тусх, өмтн терүг дэкж үзшго, – гиж келэд уснд хайчкв.

<sup>22</sup> Ятхин, бүрэн, бүшкүрин айс болн көгжмчнрин дун Вавилона уульницд дэкж төрүц сонсгдшго. Чини урн һарта көдлэчнр уга болж одх, теермин чолуна шууган чини уульницд сонсгдшго.

<sup>23</sup> Шамин герл чини уульницд дэкж үзгдшго. Хэрд һарчах күүкнэ болн күргнэ дун дэкж сонсгдшго. Чини кувцнр эн балһснд

---

\* Шинз – дулан һазрт үрһдг зэрм модна көрсн. Хатаһад үүлсн талхнь хотын амт ясна.

хамгин күчтээ улс билэ. Чи бө, удһиң йовдл кеж келн-улс болһиг меклләч! <sup>24</sup>Ээлдәчнриг болн Бурхна улсиг алснд Вавилон бурута болсн учрас цаажла харһв. Тийм! Вавилон орчлнгин улсиг аллһиңд лавта бурута!

### *Вавилон каарсна байр*

**19** Энүнэ хөөн тенгрин тоотнь олар цуглрсн мет шууга би соңсв. Тернь олн өмтнэ дун: Бурхн тууртха! Мана Бурхн – Аврач! Мана Бурхн сүркэ күчтэ болн алдр! <sup>2</sup>Энүнэ зарһ – йосн болн үнн чик! Өмтнлэ аля йовдл гарһад, теднэр хар йовдлыг күчэр келһүлдг олн меддг аля күүкд күүг Бурхн зарһла харһула. Тер күүкд күн зарциринь алсн учрас Бурхн терүг цаажв!

<sup>3</sup>Тедн дәкн хәәкрицхэв:

– Бурхн тууртха! Эн шатажах балһсна һалын утан мөнкиндэн деегшэн гарх.

<sup>4</sup>Хөрн дөрвин көгшэ болн өмтэ дөрвин юмн элкдж унад, ширэд суусн Бурхнд сөгдцхэв.

– Тиигтхэ! Бурхн тууртха! – гиж тедн келцхэв.

### *Хурһна хүрм*

<sup>5</sup> – Нертэнь, нерн угань, цугтан Бурхнд церглдг болн Терүг қүнделдг улс мана Бурхиг туурултн! – гисн дун ширэ талас гарчахинь би соңсв.

<sup>6</sup> Тиигхлэ олн улсин дун мет, ик күркрэнэ шууган мет, оһтрphy мет дун иигж келсинь соңсв:

– Бурхн тууртха! Мана сүркэ күчтэ Бурхн залдг болв! <sup>7</sup>Хурхна хүрмин цаг ирв, Терүнэ күүкн бийэн белдв. Цуhaar байсж байрлтха! Бурхиг туурултха! <sup>8</sup>Күүкнд цевр гилвкн хувц өгсмн. Хувцн гиснь – Бурхна улсин цаһан йовдлмуд.

<sup>9</sup>Дәкэд Бурхна элч нанд иигж кель:

– Бичж ав! Хурһна хүрмин нээрт дуудгдснь буйн кишгтэ!

Дәкэд немв:

– Эн йосн Бурхна үгмүд.

<sup>10</sup> Би терүнд сөгдхэр көлднүн унв.

– Бичэ тииг! Би чамла өдл, Бурхнд иткдг чини ахнр-дүүнрлэ өдл зарцв. Тедн Иисусин сексн үнниг дахж йовна. Тер учрар Бурхнд сөгд! – гиж Тер кель. Яһад гихлэ, Иисусин сексн үнн өэлдәчнрт өэлдх арһ өгнэ.

*Цаһан мөртэ күүнэ тускар*

<sup>11</sup> Тенгр заагрхла, би цаһан мөр үзв. Мөрн deer суусн күн Итклтэ болн Үннч. Үнн-чик кевэр зарһ кеж Тер дээлдг билэ.

<sup>12</sup> Тер шачах һал мет нүдтэ, толна deerнь кесг титмтэ. Deerнь бийэсн нань күн медгэ нерд бичэтэ. <sup>13</sup> Цуснд будгдсан хувц тер өмссн бээж. Нернь – Бурхна Үг. <sup>14</sup> Цевр, гилвксн цаһан хувц өмссн, цаһан мөрд унсн тенгрин цергүд ардаснь йовна. <sup>15</sup> Амнаснь хурц иргэ үлд үзгднэ. Тер үлдэрн буру номта улсиг диилх. Төмр тайгарн тедниг залх, сүркэ күчтэ Бурхна цухлын алдр назрт болн уста үзм дардг уста үзм көлөрн шахх. <sup>16</sup> Терүнэ хувцн deer болн нуйдны: Хаадудын Хан, Эздүдин Эзн гидг нерн бичэтэ. <sup>17</sup> Би нарн deer зогсхах Бурхна элчиг үзв. Тер тенгр deer нисж йовсн шовудт чаңи дууһарн хээгкэв:

– Наартн, цуһар Бурхна алдр нээрт нисж иртн! <sup>18</sup> Хаадудын, минһин цергин толнаачнрин, цергүдин, мөрдин болн мөртэ улсин, sul болн зарцирин, нергэ болн нерн уга, цуг улсин күш идхэр наартн!

<sup>19</sup> Тиигхлэ би догшн ангиг болн назрин хаадудыг цергтэхинь үзв. Тедн цаһан мөрн deer Суусна өмнэс, Терүнэ цергин өмнэс дээлдхэр цуглрж. <sup>20</sup> Болв догшн аң болн худл ээлдэч бэргдв. Тер худл ээлдэч догшн ангин өмн өвэрц йовдлмуд үзүлдг бээж. Тер өвэрц йовдлмударн догшн ангин тамһта болн терүнэ дүрстэ шүтэнд мөргдг улсиг меклдг бээж. Догшн аң болн худл ээлдэч күкрэр шатжасн нуурт өмдэр хайгдв. <sup>21</sup> Мөрн deer суусна амнас гарчасн үлдэр догшн ангин церг алгдж. Цуг шовуд теднэ күшмүдиг цадтлан идиҳэж.

*Минһин жил*

**20** Тенгрэс бууж йовх Бурхна элчиг би үзв. Нартан тер юорал уга худгас түлкүр болн күнд цев бэрж. <sup>2</sup> Бурхна элч көгшин мөнг Гемшэч, болн Өшэтн гидг лууг бэрж авад күльв. Тер минһин жилдэн күлэгэ бээх. <sup>3</sup> Терүг юорал уга гүн назрт хаяд, үүдинь төдглэд, тамһ тэвж. Бурхна элч терүг күмни улсиг бичэ меклтхэ гиж минһин жилин туршарт тиигж суулнж. Энүнэ хөөн тер ахрхн цагт сулдхгдх. <sup>4</sup> Би зарһ кех йоста ширэс deer суусинь үзв. Ису-син тускар келснэс болн Бурхна үг тархаснас көлтэ хээчлэ хар-хулгдсан улсин сүмсд үзв. Тедн догшн аңд болн төрүнэ дүрстэ

шүтэнд мөргсн уга, терүнэ тамһиг маннадан болн һартан тэвүлсн уга. Тедн өмдрэд, Бурхна илгэсн Аврачла хамдан минһин жилд нойлж йовла.<sup>5</sup> Наадк үксн улс минһин жил давад уга бээтл өмдршго. Эн үксн өмтнэ түрүнк өмдрллін.<sup>6</sup> Эн цагт өмдрллінд орлцсн күн буйн кишгтэ. Эдн Бурхна улс. Эдн хойрдгч үклэ харшго. Бурхна болн Христосин гелнгүд болж, эдн Терүнлэ хамдан минһин жилд залх.

### *Эрлгиг дшилснэ тускар*

<sup>7</sup> Минһин жил давсна хөөн эрлг бэрэнэсн сулдхгдх. <sup>8</sup> Цуг назрт бээсн келн-улсиг меклхэр тер һарх. Тер улсин нерн Гог Магог хойр. Эрлг тедниг дээлхэр цуглулх. Тооһарн тедн тенгсийн элсн мет олн болх. <sup>9</sup> Тедн назрар тарад, Бурхна улсин назриг болн Бурхна дурта балсиг бүслх. Зуг тенгрэс һарсн һал тедниг кевтнь шатаһад алх. <sup>10</sup> Дэкэд тер улсиг меклсн эрлг күкрэ шачасн нуурт хайгдх. Догши аң болн худл өэлдэч бас тенд хайгдх. Тедн өдр сө уга мөнкиндэн тенд зовагдх.

### *Сүл зарх*

<sup>11</sup> Ик цаһан ширэ болн ширэ deerнь Суусиг би үзв. Тенгр назр хойр терүнэ өмн уга болж одв. Дэкж күн тедниг үзсн уга. <sup>12</sup> Нертэ, нерн уга үксн улсиг ширэн өмн зогсжасинь болн дегт-рмүд секэтэхинь би үзв. Дэкэд талдан дегтр секэтэ бээж. Тернь өмн-жирилийн дегтр. Үксн улс дегтрумдт бичгдсн теднэ кесн йов-длмуударнь зарһла хархулгдсн бээж. <sup>13</sup> Тенгсийн дотр бээсн үксн улсиг усн һархж өгв. Үкл болн Үклин назрт бээсн үксн улсиг һархж өгв. Күн болһн кесн йовдларн зарһла хархулгдв. <sup>14</sup> Энүнэ хөөн Үкл болн Үклин назр һалта нуурт хайгдв. Һалта нур гиснь: хойрдгч үкл мөн. <sup>15</sup> Өмн-жирилийн дегтрут нернь эс бичгдсн күн болһн һалта нуурт хайгдв.

### *Шин тенгр болн шин назр*

**21** Энүнэ хөөн би шин тенгр болн шин назр үзв. Урдк тенгр назр хойр болн тенгс уга болж одв. <sup>2</sup> Эрүн балсн шин Ерусалим тенгрэс, Бурхнаас бууж йовхинь би үзв. Эн балсн күргнэ төлэ белн болад хэрд һарчах күүкн мет билэ. <sup>3</sup> Ширэ талас һарчах чанһ ду би соңсв:

— Хэлэти! Ода Бурхн өмтнлэ хамдан бүүрлх. Бээрнь өмтнэ дунд бээх. Тедн Бурхна келн-өмтн болх, болв Бурхн Бийнь теднлэ хамдан бээдг теднэ Бурхн болх, — гив.<sup>4</sup> Бурхн өмтнэ нүднэс һарчах нульмын арчх. Қүн дэкж үкшго. Өвчин-зөвүр уга, уульлхи-дууллхи уга цуһар бээх. Янад гихлэ, урдк бээсн юмн өнгрэд уга болв.

<sup>5</sup> Ширэ deer Сууснь иижж кель:

— Би цугинь шинэс үүдэнэв.

Дэкэд нанд кель:

— Энүг бичэд ав! Эн үгд иткж болжана. Янад гихлэ, эн юсн үнн.

<sup>6</sup> Дэкэд Тер нанд кель:

— Цугнь күцв! Би «альфа» болн «омега»\*, Би Эклцв болн Чилгчв. Ундаажасн күүнд би жирхлийн булгас өнгэр ус өгхв.<sup>7</sup> Ди-илвр бэрсн күүнд Би цуг энүг өгхв. Би төрүнэ Бурхн болхв, тер Мини көвүн болх.<sup>8</sup> Эмтхэ, Иуст иткдгэн уурсн улс, бузр килнц кедг, алач-булачнр, аля кедг, бө кедг, шүгэнд мөргдг улс, худлчнр болхла, күкрэ шатжасн нуурт хайгдх. Эн нур хойрдгч үкл.

### *Шин Ерусалим*

<sup>9</sup> Сүүлнк долан аюлар дүүрн долан ааhta Бурхна долан элчин-рин негнь нан тал өөрдв.

— Нааран йов! Би чамд Хурхна келсн күүкиг, авалиг үзүлхв, — гиж тэр нанд кель.

<sup>10</sup> Эрүн Сэкүсэр би дүүрв. Бурхна элч намаг ик уулын ора deer авч ирэд, тенгрэс, Бурхнас, эрүн Ерусалим балысн буужахинь үзүлв.<sup>11</sup> Эн балысн Бурхна туурмжта герлэр гилвксн билэ. Тер герл йаспд гидг эрднь чолун мет көк улан өнгтэ болн шил мет цегэн билэ.<sup>12</sup> Балысн ик өндр эрстэ, 12 үүдтэ билэ. Бурхна 12 элч тус-тустан үүдн болһнд зогсж. Үүдн болһнд Ираилин 12 унг-тохмин нерд тус-тустан бичэтэ бээж.<sup>13</sup> Үзг болһнднь 3 үүдн: 3 үүдн дорд үзгт, 3 — өмн үзгт, 3 — ар үзгт, 3 — барун үзгт.<sup>14</sup> Балысна эрс 12 чолута ул deer зогсж. Ул болһнднь тус-тустан Хурхна 12 апостолын нерд бичэтэ.<sup>15</sup> Нанд үг келсн Бурхна элч кемжэлгч алтн тайгта билэ. Тер балысиг, үүд болһниг болн эрсиг кемжэлх саната бээж.<sup>16</sup> Балысн дөрвлжн бээж: утарн болн өргнэрн әдл

\* «Альфа» болн «Омега» гидг грекин цаһан толһан түрүнк болн сүүлнк үзгүд.

бээж. Бурхна элч кемжэлгч тайгарн балһсиг кемжэлхлэ, тернь 2400 дууна назр бээж. Утарн, өргнэрн, өндрэрн әдл бээж.<sup>17</sup> Дэкэд Бурхна элч эрсин зузанын кемжэлв. Тернь 66 метр бээж. Цуг энүг Бурхна элч өмтнэ кемжэхэр тоолсн билэ.<sup>18</sup> Балһсна эрс йаспд гидг эрднь чолуhaar кегдсмн, балһсн бийн болхла йосн алтар кегдж. Тер шил мет цегэн билэ.<sup>19-20</sup> Балһсна эрсин улмуд олин-зусн эрднь чолуhaar кеерүлгдж. Түрүнк йаспд, хойрдгч сапфир, нурвдгч агат, дөрвдгч смараагд, тавдгч сардоникс, зурнадгч сардион, доладгч хризолит, нээмдгч берилл, йисдгч топаз, арвдгч хрисопрас, арви негдгч гиацинт, арви хойрдгч аметист.<sup>21</sup> Арви хойр үүднь сувсар кегдж. Үүдн болһн нег сувсн билэ. Уульнц болһн шил мет цегэн алтар кегдж.<sup>22</sup> Балһсн дотр сүм би үзсн угав. Янад гихлэ, терүнэ сүм – Эврэн Деед Ээн сүркэ күчтэ Бурхн болн Хурһн мөн.<sup>23</sup> Нарн, сар хойрин герл тер балһснд керг уга билэ, янад гихлэ, Бурхна туурмж энунд герл өгнэ. Хурһн энүнэ шам болна.<sup>24</sup> Орчлнгин улс болһн эн герлд ювдг болх. Һазрт бээсн хадуд эврэннэ зөөрөн энүнд авч ирх.<sup>25</sup> Сө уга болсн учрас балһсна үүдн оньдин секэтэ болх.<sup>26</sup> Келн-өмтн болһн зөөрөн болн алдр олзан балһснд авч ирх.<sup>27</sup> Зуг буэр юмн балһснд оршго, жигшүртэ, ичртэ юм кедг, худлч улс тиигэрэн төрүц оршго. Эмн-жирһлин дегтрт, Хурһна дегтрт нернь бичэтэ күн болһн тер балһснд орх.

**22** Бурхна болн Хурһна ширэхэс урсж ювх шил мет цегэн өмн-жирһлин усна һолыг Бурхна элч нанд үзүлв.<sup>2</sup> Эн һол балһсна уульнцин тал дундахаар урсдг билэ. Һолын эрг болһнд өмн-жирһлин модд урһсн билэ. Тедн нег жилд сар болһн 12 дэкж урһц өгдг бээсмн. Тер модна хамтхас өмтиг эдгэхин төлэ бээсмн.<sup>3</sup> Бурхнд таасгддго күн чигн, юмн чигн балһснд бээшго. Энд Бурхна болн Хурһна ширэ бээх, Бурхнд зарцнр Терүнд церглх.<sup>4</sup> Тедн Бурхна чирэ үзх, Бурхна нерн теднэ маңнад бичэтэ болх.<sup>5</sup> Энд сө уга болх, шам, нарна герл чигн керг уга болх. Янад гихлэ, Деед Ээн Бурхн теднэ герл болх. Тедн мөнкиндэн залх.

### *Исусин ирлнн*

<sup>6</sup> Бурхна элч нанд иигж кель:

– Эн үгмүдт иткж болжана, янад гихлэ, эн йоста үнн. Ээлдэчнрт урмд өгдг Деед Ээн Бурхн удл уга юн учрхиг зарцнртан үзүлхэр Эврэннэ элчиг илгэв.

<sup>7</sup> – Соңстн! Удл уга Би ирхв. Эн дегтрин ээлдхлийн үгмүд күцэдг улс буйн-кишгтэ! – гиж Иисус келжэнэ.

<sup>8</sup> Энүг соңсан, үзсн күн бив, Йоханв. Үзсн, соңсан хөөн би цугинь нанд үзүлсн Бурхна элчин көлднү унад, терүнд сөгдхэр седлэв. <sup>9</sup> Зуг тэр нанд:

– Бичэтииг! Би чини ээлдэч ахир-дүүнрлэ өдл, чамла өдл болн эн дегтрин үгмүд күцэдг улслэ өдл Бурхнд церглдв. Бурхнд сөгд!

<sup>10</sup> Эн дегтрт бээсн ээлдхлийг бичэ нууцад бэ! Янаад гихлэ, цуг эн удл уга учрх. <sup>11</sup> Му йовдл һарһдгнь му йовдлан цаарандн кетхэ, аля бузр йовдл кедгнь алянан цаарандн кетхэ. Сэ кедгнь сээхэн цаарандн кетхэ. Эрүн улс му йовдл кехэс салтха! – гиж кельв.

<sup>12</sup> Иисус:

– Удл уга би ирхв. Күн болһинд кесн үүлэрн ачинь хэрүлхв. Бурутаанинь цаажхв. <sup>13</sup> Би «альфа» болн «омега». Би Түрүнкв болн Сүүлнкв. Би – Эклцв болн Чилгчв, – гиж кельв.

<sup>14</sup> Хувцан цеврлж унасны буйн кишгтэ, тегэд чигн тедн өмн-жирһлийн моднаас темс идж чаджана, балһснд үүдэр орж чаджана. <sup>15</sup> Зута килнц кедг, бө шажна, аля кедг, алач, шүгэнд мөргдг, худлд дуртга болн онъдин худл келдг улст балһснд орх зөв уга болх.

<sup>16</sup> – Би, Иисус, сүзгти хург болһинд бээсн таднд энүг герчлхин төлэ эврэннэ элчэн илгэвүв. Би Давид хаана тохмин-үлдл, герлтэ болн өрүни однла өдлв, – гиж Иисус кельв.

<sup>17</sup> Эрүн Сэкүсн болн хәрд һарчах күүкн:

– Наар! – гинэ.

Энүг соңсан күн болһн:

– Наар! – гитхэ.

Ундашжасн күн ирөд, өмн-жирһлийн ус өнгэр автха!

### Чилгч

<sup>18</sup> Эн дегтрин ээлдхлийн үгмүд соңсан күн болһинд би герчлжэ-нэв. Эн үгмүдт үлү юм күн немхлэ, Бурхн терүг цаажад, эн дегтрт бичэтэ долан аюл илгэх. <sup>19</sup> Эн дегтрт бичгдсн ээлдхлийн үгмүд күн хасхла, эн дегтрт өмн-жирһлийн модна темсэс идх зөв болн өрүн балһснд орх зөв Бурхн тер күүнэс булаад авх. <sup>20</sup> Энүг герчлжэсн иижж келжэнэ:

– Тиим! Удл уга ирхв.

– Тиигтхэ! Деед Эзн Иисус ирит!

<sup>21</sup> Деед Эзн Иисусин цаанан санан таднд цугтадн күрттхэ!